



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

2 Canonica portio, quae sit, & quibus debeatur.

urn:nbn:de:hbz:466:1-10316

clesiae persolvi, non obstan. conceffionibus, gratiis, privilegiis, etiam mari magno nuncupatis, aut aliis quibuscumque, conc. Trid. c.3 de refor. sess. 25. & regulariter de omnibus relictis factis ecclesiis solvitus Episcopo, & ecclesiæ parochiali canonica portio, Abb. in c. ult. n. 1. de testam. Est enim canonica † portio regulariter quarta, quæ tamen præscriptione fieri potest, ut loco quartæ portionis, quinta, vel sexta solvatur, & tunc titulus in hac præscriptione non est necessarius, cum jure canonico circa hanc portionem quartæ nulla sit certitudo; sed quandeq; major, & quandoque minor Episcopo solvatur, cap: certificari, de sepult. Abb. in c. officij, n. 2. & ibi Covar. n. 1 de test.

In monasterijs † autem fabricatis citra annos quadraginta, aut ijs, quæ vallata sunt, privilegio Apost. dictum cap. 13. de reform. non habet locum, quoad solutionem quartæ, ut à sacra congreg. fuit decisum super eo, cap. ut in decif. sub tit. Tricaricen. Hirac. Trafon. & quando regulares sunt in quasi possessione non solvendi quartam Episcopo, aut parocho, eisdem Episcopo, & parocho ineumbit onus probandi ante 40. annos elapsos solvi solitam ab eorum monasteriis, ut ibidem in decif. sub tit. Terracinen. quia alleganti onus probandi incumbit, Bart. in l. si minorem, n. 5. C. de in integr. refit.

Tempore enim † primitivæ Ecclesiæ, cum Episcopi essent pauperes, statutum fuit, ut ipsi de oblationibus Matrici Ecclesiæ factis sumerent medietatem, cap. antiquos, 10. qu. 1. procedente tempore ex parochialibus tantum tertiam oblationum, decimaram, tributorum, & frugum habent, c. de his. & c. decernimus, ead. qu. 1. & c. constitutum, 16. qu. 1. Postmodum Gelasius

Papa quartam Episcopis debere decrevit^{*} ut in c. vobis, c. concesso, & c. quatuor, 12. q. 2. sed hodie nec tertiam parochialium habebunt Episcopi, nisi ad fabricam reparandam, & velint etiam fabricam parochialium reparare, c. 1. 2. & 3. 10. qu. 3. & gl. in d. c. de his, & contra dispositionem dictorum canonum, nunc ex generali consuetudine, Episcopi pro ecclesiastum reparatione, aut alia de causa nullam à parochis recipiunt portionem, sed tantum cathedralicum, quod in honorem Cathedræ Episcopalis, i. duos solidos pro qualibet Ecclesia præter procurationem moderatam petere possunt, gloss. in sum. & c. 1. & c. inter. cætera 10 qu. 3. parochos autem ad restorationem Ecclesiastum, & alia ad cultum divinum necessaria in visitatione compellere possunt omni appellatione remota, conc. Trident. c. 7. circ. fin. de ref. sess. 13.

Regula autem, quod de relictis factis ecclesiis solvatur Episcopo, & parocho canonica portio, † fallit in pluribus, & primò, in his, quæ in ornamentis, vel præceteris, seu fabricæ luminarijs, anniversario, septimis, vigesimalis, vel trigesimis, ac alijs quæ ad perpetuum divinum cultum ecclesijs legantur ut est text. & ibi Abb. in c. ult. n. 2. de test. & bene Capic. in decif. 23.

7 n. 2. & seq. † In officijs mortuorum alij tertium diem, alij septimum, alij trigesimum, & alij quadragesimum observate consueverunt, Gen. c. 50. Deut. c. 34. Ambr. in lib. de obitu Theod. imp. relatus, in cap. quia alij, 13. qu. 2. & Abb. d. nu. 2. præter anniversarium, quod fit pro commemoratione animarum, & dicitur officium, quod fit singulis annis, anno revoluto eadem die, qua ille, qui legavit sepultus, vel defunctus

Z z 3 fuit,